

## EUSKAL-INGERUCHOAK.



ON ARTURO CAMPION JAUNARI, BERE ILOBACHOAREN ZERURATZEAN.

Euskal-ingeruchoak  
 Elkarren ondoren,  
 Lurretikan Zerura  
 Dijoaz egatzen:  
 Uzten gaituztelarik  
 Gu negarrez emen,  
 Bakartasun tristean,  
 Samiñki, penatzen.

. . . . .

Baña ¿zergatik degu  
 Negar guk egiten,  
 Zergatikan begiyak  
 Zaizkigu goibeltzen,  
 Zergatikan antsiyaz  
 Gaude zizpurutzen?

Zorion betikoa  
 Daukate zeruan,  
 Samintasuna izango  
 Zutenak munduan.  
 ¡Nor legokean oraiñ  
 ¡Nor! ayen lekuan,  
 Gloria kantatutzen  
 Jaunaren onduan!

KARMELO ECHEGARAY-KOAK.

